

Академиялық адалдық кодексімен таныстыру және «Цифрлық сауаттылық – жаңа дәуір талабы» тақырыбы

«Экономика, қаржы және есеп» кафедрасына қарасты 6B04142-Экономика, 6B04143-Есеп және аудит, 6B04144-Қаржы білім беру бағдарламалары І курс білімгерлеріне 9 ақпан күні жалпы Академиялық адалдық кодексімен таныстыру және «Цифрлық сауаттылық – жаңа дәуір талабы» тақырыбы бойынша тәрбие сағаты өтті.

Академиялық адалдық кодексі Қожа Ахмет Ясауи атындағы Халықаралық қазақ-түрік университетінде академиялық адалдық білім беру үрдісіндегі негізгі құндылықтардың бірі болып табылады оның негізгі қағидаттарын сақтауға арналған.

Тәлімгер Қ.Мырзабекқызы басты құндылықтарына тоқталып өтті.

Университеттің негізгі құндылықтары Қожа Ахмет Ясауидің рухани мұрасы мен әмбебап академиялық этиканың синтезі негізінде қалыптасты:

6.1 Серіктестік және құрмет: университет өз қызметін құрылтайшы мемлекеттердің бауырлас халықтардың достығына, теңдігіне, мәдени айырмашылықтарына құрмет пен толеранттылығына негізделген басты қағидаттарын басшылыққа ала отырып жүзеге асырады. Біздің негізгі ұстанымымыз - жеке адамды, оның құқықтары мен қадір-қасиетін құрметтеу. Біз бір командада жұмыс істейміз, серіктестік негізде әріптестерімізге әрдайым қолдау көрсетуге дайынбыз. Біз бауырмалдық көзқарас пен жағымды энергия арқасында бірбірімізге шабыт сыйлаймыз.

6.2 Ашықтық және сенім: білім беру қызметі барлық мүдделі тараптар мен көпшілік үшін ашық, еркін және қолжетімді түрде жүзеге асырылады. Университеттің басшылық лауазымдарындағы барлық адамдар өздерінің шешімдері, әрекеттері және олардың салдары үшін жауап береді. Біз өз пікірімізді ашық айтамыз және басқалардың пікірін тыңдаймыз. Біз студенттерімізге, оқытушыларымыз бен қызметкерлерімізге құлақ асамыз және олардың нақты қажеттіліктерін түсінеміз. Біз бір-бірімізге сенім арту арқылы, қоғамдық сенім мен әлеуметтік капиталды қалыптастырамыз. Біз университетіміздегі барлық адамдармен ұзақ мерзімді сенімді қарым-қатынас орнатамыз.

6.3 Әділдік және адалдық: біздің университеттің барлық қызметкерлері мен студенттері әділдік қағидасын ұстанады. Университет басшылығы қызметкерлерді кемсітуге ешқашан жол бермейді және оларды меритократия қағидасымен басқарып, олардың еңбегін құрметтейді. Білім беру және ғылыми қызмет үдерісінде академиялық этика мен парасаттылықтың жоғары стандарттары сақталады және қолдау табады.

6.4 Біліктілік және еңбекқорлық: біздің ұжым және білім алушылар еңбек үдерісіне оң көзбен қарап, көп жұмыс жасауға және нәтижеге жетуге бағдарланған. Біз ертеңгі еңбек нарығының қажеттіліктерін болжай алатын бәсекеге қабілетті білім беру бағдарламаларын жасауға ұмтыламыз, біз үшін бұл өте маңызды.

6.5 Инновация және бейімделу: біз инновациялық көзқарасты, белсенді позицияны, ұйымдастырушылық икемділік пен ұтқырлықты бағалаймыз. Өзгерістерге дайын болу - бастапқы жоспармен әрекет етуден гөрі маңызды. Біз үздік нәтижелерге қол жеткізу үшін үнемі жаңа мүмкіндіктерді іздейміз. Осылайша біз әлемді жақсы жағына өзгертетін жаңа идеяларды ойлап табамыз және оларды жүзеге асырамыз.

Тәлімгер Л.Тайжанов Академиялық адалдық бұзушылықтары бойынша сөз сөйледі. Академиялық адалдықтың астарында білім алушының білім алу кезінде жазбаша жұмыстарды (курстық, емтихан, эссе, диплом, диссертация т.б.) орындауда, емтихандарға жауап беруде, зерттеулерде, өз ұстанымын білдіруде, академиялық персоналмен, оқытушылармен және басқа да білімгерлермен өзара қарым-қатынаста, сондай-ақ бағалауда тазалығын білдіретін құндылықтар мен қағидалар жиынтығы айтылады.

Сонымен қатар «Цифрлық сауаттылық – жаңа дәуір талабы» тақырыбында тәлімгер Қ.Мырзабекқызы түсіндіріп өтті.

Тәрбие сағаты барысында цифрлық технологиялардың қазіргі қоғамдағы рөлі, олардың білім беру мен күнделікті өмірдегі маңызы қарастырылады. Интернет

ресурстарын тиімді пайдалану, жалған ақпаратты ажырата білу, жеке деректерді қорғау, әлеуметтік желілердегі мәдениетті қарым-қатынас мәселелері талқыланады.

Мақсаты - Студенттерге цифрлық сауаттылықтың маңызын түсіндіру, интернет пен цифрлық технологияларды қауіпсіз, жауапты және тиімді қолдану дағдыларын қалыптастыру.

Цифрлық сауаттылық - жаңа өмір талабы, қазіргі таңда технологияның дамуымен цифрлық сауаттылық тек компьютерді пайдалана білу емес, бұл - ақпараттық қоғамда өмір сүрудің, жұмыс істеудің және дамудың басты құралы.

Әртүрлі мәселелер бойынша тәлімгерлер білімгерлердің сабаққа толық қатысып, сабақтарына үнемі дайындықпен келуін және тәртіпті сақтап жүруін айтып өтті.

Ашық сабақ соңында білімгерлер сұрақ қойып, жан-жақты талқылады.



